

爾

雅

翼

四



翼 雅 爾

(四)

J
17.8
1.1/48

撰 願 羅
釋 祖 焱 洪

爾雅翼卷二十五

釋蟲二

莎雞

蜉蝣

蟋蟀

螳螂

蜉蝣

青蛉

蜣螂

蜘蛛

蠨蛸

胡蝶

【莎雞】

莎雞振羽作聲其狀頭小而羽大有青褐兩種率以六月振羽作聲連夜札札不止其聲如紡絲之聲故一名梭雞一名絡緯今俗人謂之絡絲娘蓋其鳴時又正當絡絲之候故爾雅詩云六月莎雞振羽七月在野八月在宇九月在戶也寒則漸近人今小兒夜亦養之聽其聲能食瓜莧之屬崔豹古今注曰莎雞一名促織一名絡緯一名蟋蟀促織謂鳴聲如急織也絡緯謂其鳴聲如紡緯也又曰促織一名促機絡緯一名紡緯其言促織如急織絡緯如紡緯是矣但蟋蟀與促織是一物莎雞與絡緯是一物不當合而言之爾詩稱六月莎雞振羽以至九月在戶十月蟋蟀入我牀下一章而別言莎雞與蟋蟀可知其非一物也蓋二蟲皆似機杼之聲可以趣婦功故易以紊亂孫炎解翰天雞以爲小蟲黑身赤頭一名莎雞郭氏又云一名樗雞陸璣則云莎雞如蝗而斑色毛翅數重下翅正赤或謂之天雞六月中飛而振羽索索作

聲。幽州人謂之蒲錯。廣志云。莎雞似蠶蛾而五色。亦曰鰈雞。蓋皆非其類。今莎雞之鳴。乃止而振羽。不待飛也。一名馬蠶。

【蜉蝣】

蜉蝣。朝生而暮死。郭氏云。似蜉蝣。身狹而長。有角。黃黑色。聚生糞土中。豬好啖之。陸璣云。似甲蟲。有角。大如指。長三四寸。甲下有翅。能飛。夏月陰雨時。地中出。樊光曰。是糞中蜣蟲。隨雨而出。朝生而夕死。蓋蜉蝣者。速死之物。故以刺曹共公之好奢。言雖衣服楚楚。安能久也。淮南子曰。蠶食而不飲。二十二日而化。蟬飲而不食。三十日而蛻。蜉蝣不食不飲。三日而死。又曰。鶴壽千歲。以極其游。蜉蝣朝生而暮死。盡其樂。蓋以旦暮爲期。遠不過三日爾。蜉蝣出有時。故王褒頌聖主得賢臣云。蟋蟀俟秋陰。蜉蝣出以陰。言知時也。又許叔重注淮南子。言朝菌者。朝生暮死之蟲也。生水上。狀似蠶蛾。一名萐母。海南謂之蟲邪。則亦蜉蝣之類。按今水上有蟲。羽甚整。白露節後。卽羣浮水上。隨水而去。以千百計。宛陵人謂之白露蟲。夏小正。五月浮游有股。

【蟋蟀】

蟋蟀。似蝗而小。正黑有光澤。一名蜚。一名蜻蛚。一名促織。以夏生。秋始鳴。周書。小暑之日。溫風至。又五日而蟋蟀居壁。易通卦驗曰。蟋蟀之蟲。隨陰迎陽。居壁向外。趨婦女織績女工之象。今失節不居壁。似女事不成。有淫佚之行。因夜爲姦。故爲門戶夜開。淮南則云。蟋蟀居奧。奧者。西南隅也。比寒則漸近人。易通卦

驗曰。立秋蜻蛚鳴。白露下。蜻蛚上堂。詩曰。蟋蟀在堂。歲聿其莫。又曰。七月在野。八月在宇。九月在戶。十月蟋蟀入我牀下。自七月至十月入牀下。皆謂蟋蟀也。言將寒有漸。非卒來也。而說者解蟋蟀居壁。引詩七月在野。以爲不合。然今蟋蟀有生野中及生人家者。至歲晚則同爾。好吟於土石墻壁之下。尤好鬪。勝輒矜鳴。其聲如急織。故幽州謂之促織。又其鳴時。正織之候。故以戒婦功。春秋說題辭曰。趣織爲言。趣織也。織與事遽。故趣織鳴。女作兼。又里語曰。趣織鳴。懶婦驚。而崔豹云。濟南人謂蟋蟀爲懶婦。非也。古稱騰蛇游霧而殆於卽且。卽且乃蜈蚣耳。許叔重謂蟋蟀爲卽且。上蛇蛇不敢動。亦非也。說文作蟋蟀。梓人以注鳴者。精列屬方。言南楚之間。或謂之王孫。

【螳螂】

螳螂有斧蟲。有不過螳螂。莫貽。蚌。石。螳。巨斧等名。許叔重又云。世謂之天馬。蓋驤首奮臂。頸長而身輕。其行如飛。有馬之象。故贊八駿圖者。以爲其狀如麟鳳螳螂然。周書曰。芒種之日。螳螂生。不生是謂陰息。易通卦驗曰。螳螂捕蟬之蟲。乘寒而殺物。自隱蔽而有所害。捕搏之象也。尤工捕蟬。五六月蟬得美蔭。奮翼而鳴。螳螂超枝緣條。執翳自蔽。竦腰舉刃。搏而取之。昔之鼓琴者。見螳螂方向鳴蟬。將飛未去。螳螂爲之一前一却。絃者聳然。恐螳螂失之也。殺心見於聲。故螳螂陰殺之蟲也。翳木葉也。或曰。得其翳者。可以隱形。此蟲惟捕蟬時有進退之勢。餘則知進而已。齊莊公出獵。有蟲舉足將搏其輪。問其御。對曰。此謂螳螂者也。其爲蟲也。知進而不知却。不量力而輕敵。莊公曰。此爲人必爲天下武勇矣。迴車而避之。莊公避一

螳螂而勇武歸之。句踐禮蝦蟇。其遺意也。莊子曰。螳螂怒臂以當車轍。不知其不勝任也。是才之美者也。言非不有美才。顧不勝任耳。或曰。迴車者句踐。故郭璞贊曰。螳螂氣蟲。揮斧奮臂。當轍不迴。句踐是避勇士致死。勵之以義。說文堂蝦一名蜎父。

【蜉蝣】

不過螳螂。其子蜉蝣。蟠蟠卵也。螳螂逢樹。輒產其卵。皆相連綴。多在小桑上及叢棘間。三月四月中。每枝出小螳螂數百。螳螂應殺之蟲。故小暑至後五日而生。所應者微陰。故螳螂司殺之小者也。蜉蝣所在有之。以桑上者爲佳。是兼得桑皮之津氣耳。市之僞者。以膠着桑枝之上。則無益矣。一名蜉蝣。本草則謂之桑螵蛸。主於藥而言也。范子計然曰。螵蛸出三輔。上價三百。又海中有烏賊魚。背如橈。蒲形。亦有螵蛸之名。故方家謂此爲桑螵蛸。謂彼爲海螵蛸。說文蠹蛸。

【青蛉】

青蛉。好飛集水上。有青赤黃三種。色青而大者曰青蛉。一曰青亭。小而黃者曰胡黎。一曰胡離。小而赤者曰赤卒。一曰絳騶。一名赤衣使者。亦名赤弁丈人。好集水上。赤卒絳騶者。漢制導卒之服也。故以比之。然總曰青蛉。則以大者爲主。呂氏春秋曰。海上有人好蜻蛉者。每朝居海上從遊。有蜻蛉至者數萬。前後左右盡蜻蛉也。終日翫之不去。其父使取來翫之。明日往之海上。而蜻蛉無至者。言機心存則物不附。又莊辛對楚襄王曰。君王獨不見蜻蛉乎。六足四翼。蜚翔乎天地之間。求蚊虻而食之。待甘露而飲之。自以爲

無患與民無爭也。不知五尺之童子。膠絲竿加之乎四仞之上。而下爲蟲蟻食也。此其情狀。荆莊王命養由基射蜻蛉。曰。吾願生得之。養由基援弓射之。拂左翼。一名螳。淮南子稱蝦蟇爲鶡。水蠶爲螳。皆生非其類。唯聖人知其化。又稱木蠹爲螻。子子爲蟲。免齧爲蟹。物之所爲。出於不意。弗知者驚。知者不怪。詳此類變易。固不足驚。又人皆習知。不待聖人也。彼將因衆人耳目之所見。以極視聽之所不接。蓋發端於此耳。水蠶旣化青蛉。青蛉相交。還於水上。附物散卵。出復爲水蠶。水蠶復化焉。交相禪無已。郭璞稱江東名爲狐黎。淮南人呼螻蛄。今鄱陽人呼江雞。蓋螻蛄之轉。說文。蜻蛉。一名桑根。

【蜣螂】

蜣螂。黑甲蟲。能以土包糞。轉而成丸。圓正無斜角。莊子曰。蜣螂之智。在於轉丸。陶宏景云。取糞丸而却推之。今按其類。似有雌雄。以足撥取糞。頃之成丸。相與遷之。其一前行。以後兩足曳之。其一自後而推致焉。乃掘地爲坎。納丸其中。覆之而去。不數日而丸中若有動者。又一二日。則有蜣螂自其中出而飛去。蓋是孚乳氣其中。以此覆裹之。藉之以生。抱朴子曰。元蟬絜飢。不羨蜣螂穢飽。然世或言蜣螂能化爲蟬。所爲轉丸者。藉以變化也。未知孰是。崔豹古今注曰。一名弄丸。一名轉丸。俗名推丸。其鼻高目深者。名胡蜣螂。

【蜘蛛】

鼯鼯。布網於簷四隅。狀如罽。自處其中。飛蟲有觸網者。輒以足頓網。使不得解。其力大有甲翅者。纏縛甚急。已乃食之。春秋二時得煖風而生。旋吐游絲。飛颺其身。若春月游絲有長數丈許者。皆鼯鼯所爲也。古

人稱太昊師蠶而結網。故張望賦云。吐自然之纖緒。先皇義以結網。新序曰。湯見祝網者。置四面而祝。湯乃解其三面。置其一面。更教之祝曰。昔蜘蛛作網。今之人循序。欲左者左。欲右者右。欲高者高。欲下者下。吾取其犯命者。然則網罟之設。雖取諸離。亦有象於此也。焦贛易林曰。蜘蛛作網。以司行旅。又曰。蜘蛛南北。巡行往。罟字說曰。設一面之網。蟲至而獲焉。知誅義者也。考陶宏景云。蠶龜類數十種。爾雅載七八種。今草蠶龜有五色長脚者。作網畢。以大絲向四隅各絡數十折。或云以厭勝諸蟲云。又有土蠶龜。太元曰。蜘蛛之務。不如蠶之綸。

【蠶蛸】

蠶蛸。小蠶龜。長脚者。俗呼爲喜子。陸璣疏云。蠶蛸。長脚。一名長脚。荊州河內人謂之喜母。此蟲來着人衣。常有親客至。亦如蠶龜爲羅網居之。詩曰。蠶蛸在戶。言爲網於戶也。陸賈曰。目瞶得酒食。燈花得錢財。乾鵲噪。行人至。蜘蛛集。百事喜。劉子曰。今野人晝見喜子者。以爲有喜樂之端。夜夢見雀者。爵位之象。然見喜子者。未必有喜。夢雀者。未必彈冠。而人悅之者。以其利人也。今人以早見爲喜。晚見爲常。又云。在頭則有喜事。蠶蛸既主有喜。而幽詩以在戶言憂思感傷者。蓋果羸伊威。蠶蛸。鹿場。熠燿。此五物者。家無人則集。所以令人感恩。此自以着衣爲有喜。各以爲義爾。荆楚之俗。七月七日。設瓜果於庭中。以乞巧。有喜子網於瓜上。則以爲得巧。

【胡蝶】

胡蝶以芳時飛集花間。翩翩相逐。物之適意者。故莊周夢爲胡蝶。栩栩然胡蝶也。不知周也。俄而覺。則遽然周也。明人之精神開闔。不能自知。故有夢爲鳥而麗乎天。夢爲魚而麗乎淵。考以極其升沉。至於此。則又不抑不亢。徜徉兩間。有俯仰自足之意。以極物之化。蓋必有所寤矣。蝶。物之善化者。今菜中青蟲。當春時。行緣屋壁。或草木上。以絲自固。一夕視之。有圭角。六七日。其背罅裂。蛻爲蝶出矣。其大蝶散卵於甘橘上。爲蟲青綠。既久。則去爲大蝶。崔豹古今注曰。蛺蝶一名野蛾。一名風蝶。江東人謂之樸末。色白青青者是也。其有大如蝙蝠者。或黑或青斑。名曰鳳子。一曰鳳車。亦曰鬼車。生江南甘橘園中。而唐滕王圖畫。蛺蝶有江夏班。大海眼。小海眼。村裏來。菜花子之目。北齊魏收輕薄。時人號云。魏收驚蛺蝶。說文作蛺蝶。徐鉉曰。俗作蝶。非是。列子。鳥足之葉爲胡蝶。

〔音釋〕

莎雞 韃爾雅音汙。又曰。樗鷄。雞赤周反。蠶音節。○蜉蝣音浮遊。 蛄起吉反。蜩音羌。○蟋蟀 葵音拱。趨音促。卽且卽莊子作蚺。且或作蛆。子徐反。注鳴注。周禮陟豆反。○蟪蛄音唐郎。 有斧蟲爾雅疏。有臂若斧。奮之當輟。不避。一名不過。一名蟪蛄。一名巨斧。其子蜉蝣。蟪蛄丁郎反。蟪音箱。莫稭下音鶴。蜉音牟。注蜉音祈。○蜉蝣音毗消。蟪蛄一名而有六名。其子則有三名。蟪蛄。蜉蝣。蟪蛄也。 蟪布莫反。蜉音魚。蜉音瓢。蒲通作蒲。蟲說文匹懷反。○青蛉力丁反。 騶音都。蟪千公反。蟪忘上音矛。下音務。淮南注。青蛉也。子子上音吉。下音厥。或作蜉。蜉字異而音義同。俗名釘倒虫。蜉乃多奴來二反。兔留注。兔所留草。靈

在其心中化爲蟹。一說免留虫名。蠓蚺音康伊。○蜣螂音羌。蛞音吉。却推他同反。曳餘制反。牽引也。○蜘蛛注綸音須。○蠪蛸上音蕭下音所交反。踦去奇切。踦如倫切。目動也。伊威鼠婦也。果羸力果反。括樓也。熠以敕反。燿以照反。○胡蝶。編布元反。蝠方六反。蜨說文。臣鉉等曰。今俗作蝶。非是。徒叶切。

爾雅翼卷二十六

釋蟲三

蠶 蜜蠶 果蠃 蠶 蚊 蟲 蚤 蝨 螻 螳 螂 蛆

【蠶】

蠶種類至多。其黃色細腰者。謂之稗蜂。腰間極細。僅相聯屬。天地之性。細腰純雄。大腰純雌。純雄謂蜂。純雌。龜鼈之屬也。列子亦曰。純雌其名大腰。純雄其名稗蜂。言無雌雄而自化。故淮南子以蜂之類爲貞蟲。言其無欲也。博物志以爲蜂無雌。取桑蟲或阜螽子抱而成己子。今細腰蜂作房在小樹上。及人家簷下。房皆倒懸。其綴着處必以漆。房中各有子如粟。稍長如蛹能動。逐時飼之久。則封之。生翼而出。其稗者復孚卵。則增房益多。其在大木上者。蜂與房皆大。謂之露蜂房。又謂之百穿。其房大者如甕。小者如桶。至大者如巨鍾。房數百層。子至石許。又土蠶黑色。似木蠶而大。地中作房。蠶之最大者。螫人至死。能食蜘蛛。楚辭云。赤蟻若象。元蠶若壺。壺形圓大。故蠶似之。方言。蠶大而蜜。謂之壺蠶。今人亦呼爲胡蠶。

【蜜蠶】

蜜蠶似蠶而小。工作蜜。說文蜜字作𧈧。云蠶甘飴也。蓋若鼎氣焉而冪之。山海經曰。穀城之上。是蜂蜜之。

廬今土木之蠶亦各有蜜。北方地燥多在土中故多土蜜。南方地濕多在水中故多木蜜。今人家畜者質小而微黃大率腰腹相稱如蠅蟬也。喜事者以蠟木容數斛。實蜂其中養之。開小孔纔容出入。永嘉地記曰七八月中常有蜜蜂羣過有一蜂先飛覓止泊處人知輒內木桶中以蜜塗桶中飛者聞蜜氣或停不過三四來便舉羣悉至。今人家所養蜂或羣逸以千百數中有大者爲王羣蜂昇之從其所往人收而養之一日兩出而聚鳴號爲兩衙其出採花者取花鬚上粉實兩脾或採無所得經宿花中不敢歸房中蜂多則復分爲隊雀及蜻蛉好捕食之冬寒則割蜜今宛陵有黃連蜜則色黃而味小苦雍洛間有梨花蜜色如凝脂亳州太清宮有檜花蜜色小赤南京柘城縣有何首烏蜜色更赤各隨所採花色而性之溫涼亦相近。蜜脾底爲蠟有蜜香氣然蜜極甘而蠟至淡獨爲一異。孝經援神契曰蜂蠆垂芒釋蟲曰蠆醜螫謂垂其腴腴卽腹下螫毒也。今細腰螫人皆復引其芒去。蜜蜂螫人芒入人肉不可復出蜂亦尋死傳言尹吉甫妻取蜂去毒繫衣上以譖伯奇卽此也。古稱蜂蠆有毒今蜂近其房輒羣起攻人故古稱蠆起之將戰國有蠆旗軍行用之又軍行卒逢羣蜂及飛蚩多者必驚於藏伏之賊王莽時九江連率賈萌守郡不降有飛蜂附萌車爲漢兵所誅晉陶侃表袁謙爲高涼太守未至百餘里浦中有蜜蜂蔽日而下謙船已而皆不利洪範五行傳秦昭王時上郡大飢草木盡死蜂食田苗關尹子聖人師蜂立君臣

【果羸】

果羸卽細腰黑蜂也。說文作羸羸俗呼爲蠅蟬。詩言螟蛉有子果羸負之。螟蛉桑蟲也。果羸蒲盧也。負持

也。箋云。蒲盧取桑蟲之子。負持而去。煦嫗養之以成子。詩義疏云。螟蛉似步屈。其色青。細小。或在草葉上。土蜂取之。置木空中。或書卷間。筆簡中。七日而成其子。里語曰。咒云。象我而揚子雲亦云。螟蛉之子。殪而逢果羸。祝之曰。類我類我。久則肖之矣。唯陶隱居云。今一種黑色。腰甚小。銜泥於人壁及器物邊作房。如併竹管。其生子如粟米大。置中。乃捕取草上青蜘蛛十餘枚。滿中。仍塞口以擬其子。大爲糧也。其一種入蘆竹管中者。一名果羸。亦取草上青蟲。詩之螟蛉有子。果羸負之。言細腰無雌。皆取青蟲教祝。便變成己子。斯爲謬矣。造詩者乃可不察。未審夫子何爲因其僻耶。按陶氏之說。實當物理。然以是疑聖人。則有所不可。詩第言果羸負之。如國君不能有其民。則爲他人所取。不言負去爲子也。猶鴟鵂云。鴟鵂鴟鵂。旣取我子。亦可謂鴟取衆鳥爲子乎。但說者見其負之以往。遂因爲是說。然詩之本旨。自不如此。而箋疏及揚子雲之語疎矣。

【蠹】

說文曰。蠹。毒蟲也。象形。蠹蓋象其奮螫曳尾之形。今之蠹也。說者以爲鼠負之大者。多化爲蠹。葛洪方云。蠹中國多。此江南無也。韓文公詩。照壁喜見蠹。或云。江南舊無蠹。開元初。嘗有主簿竹筒盛過江。至今江南往往有之。俗呼爲主簿蟲。蜥易能食之。故蜥易一名蠹虎。又爲蝸牛所食。先以跡規之。不復去。今人或爲蠹螫者。以蝸牛涎塗之。痛立止。蠹前謂之螫。後謂之蠹。通俗文云。長尾爲蠹。短尾爲蠹。晉語。申生曰。雖蝸譖焉避之。左傳曰。蠹蠹有毒。又曰。己爲蠹尾。以令於國。莊子曰。其智慒於蠹蠹之尾。然則爲害甚矣。今

醫家謂蠶尾爲蠟稍。蒯通曰：猛虎之猶與，不如蠶蠶之致蠶。嵇含謂諺曰：過滿百爲蠶。有以唐制三月賜已日蜴，侍臣柳菴云：帶之免蠶毒，有處士之名，無爵列於朝者，商君謂之六蜴。都人士之詩曰：彼君子女，卷髮如蠶。鄭氏謂蠶，螫蟲也。尾末撻然，似婦人髮末曲上卷然。禮：斂髮無髻，而有曲者，以長者皆斂之，不使有餘。鬢傍短者不可斂，則因之以爲飾。故曰：匪伊卷之。髮則有旃，先儒以爲旃，揚也。非故卷之，髮當自有揚起者爾。淮南子言：鄭舞者髮若結旌。許氏曰：屈而復舒也。結旌則旃之義。都人士所以刺長民者，衣服之不常。次章并及內外命婦之飾，故曰：綢直如髮。如而也，言髮甚綢直也。次曰：謂之尹吉，言髮爲結甚至也。末曰：卷髮如蠶，言首飾整然矣。世衰禮廢，則婦人之飾相尙以奇異，鬢喪禮也。南宮縚之母死，夫子猶誨兄子以毋從從，毋扈扈，謂長大垂髻之狀也。况幽王之時，褒姒以男冠化於上，則婦人之髮結可知。其不爲墮馬髻者，幾希矣。宜乎事雖微，而思古之長民者也。索靖草書名蠶尾。

【蚊】

蚊者，惡水中子所化，嚙人肌膚，其聲如雷。東方朔隱語云：長喙細身，晝亡夜存，嗜肉惡煙，爲掌指所捫。其生草中者，吻尤利，而足有文彩，吳興號豹脚蚊子。所以從文，以有文也。亦或從昏，志其出時也。或從民昏之省也。又用閩越之閩，蟲之在門中者，大抵秋後吻輒破，不能螫。或云：更慘於未破時。說文曰：秦謂之蚋。楚謂之蚊。夏小正云：丹鳥羞白鳥，丹鳥，螢也。白鳥，蚊也。謂螢以蚊爲羞糧，則未知其審也。金樓子云：齊威公臥於柏寢，白鳥營飢而求飽，因開翠紗之幃，進蚊子焉。其蚊有知禮者，不食公之肉而退。有知足者，

渠公之肉而退。有不知足者。遂長噓短吸而食之。及其飽也。腹爲之潰。公曰。嗟乎。民生亦猶是矣。蚊爲小矣。而物又附之。江浦之間。有麼蟲。名曰焦螟。羣飛而集於蚊睫。弗相觸也。棲宿去來。蚊弗覺也。或曰。巢於蚊睫。再乳而蚊不驚。或云。在蚊翼下。每生九卵。伏成九子。俱去而蚊不知。惟黃帝容成神視氣聽。形若嵩山之阿。而聲若雷霆。此所以極小大之分也。古者謝章詔板用蚋脚書。亦一書之體。

【蟲】

蠱。從民省聲。蠱。從𠂔省聲。考。蠱則有害於人。若蠱傷牛馬。亦田𠂔之患也。蠱有數種。商浙以南江嶺間。有大木蠱。長大綠色。殆如次蟬。嘔牛馬。或至頓仆。蜚蠱狀如蜜蜂。黃黑色。又一種小者。名鹿蠱。大如蠅。齧牛馬亦猛。三蠱所食同。故說苑曰。蠹啄仆柱。蚊蠱失牛。古語搏牛之蝱。不可以破蝨。言才有分。能大者不必能細也。好聚於牛馬之尾。楚語曰。譬之如牛馬。處暑之既至。蠱蟻之既多。而不能掉其尾。蓋大曰蠱。小曰蟻。處暑七月節。牛馬之氣蒸鬱。故蠱之大小集焉。尾重而不掉也。牟子曰。昔公明儀爲牛彈清角之操。伏食如故。轉爲蠱蠱之聲。則翹尾而蹢躅。然蠱亦有不食之時。淮南子曰。夏至而流黃澤。石精出。蟬始鳴。半夏生。蠱蠱不食。駒憤驚鳥不搏黃口。許叔重以爲五月微陰在下。未成駒憤黃口。肌血脆弱。故蠱蠱驚鳥應陰。不搏食之也。然則古者郊必用憤。將事于四海山川。則飾黃駒。豈物所不傷。純全至潔耶。

【蚤】

蚤。齧人跳蟲也。緩輒失之。辨之在蚤。故爲早暮之早。其字從爪。爪而得之。說文作蚤。韓子曰。韓昭侯搔而

佯亡一蚤求之甚急。左右因取其蚤而殺之。昭侯以此察左右之不誠也。莊子曰：鴟鵂夜撮蚤，晝日瞋目而不見邱山。考以其微而善跳，鴟鵂獨能夜撮之，以喻其精明如此。非果有蚤撮之也。說者乃謂人翦爪在地，鴟鵂夜至人家，撮拾視之，知有吉凶，輒更其家。故五行書埋爪必有處所，此自一說。未必莊書之本旨也。今沐猴亦好爲人撮蚤云。淮南子云：昌羊去蚤虱而人弗集者，爲其來蛉窮也。昌羊，今之昌蒲，蛉窮入耳之蟲，則所去之害小，而所來之患大。趙壹解讀賦，丹鴻可殺蚤。

【蝨】

蝨，齧人蟲也。養生論曰：蝨處頭而黑，麝食柏而香，以明隨所處而易。知生有可養之道。又淮南子曰：湯沐具而蟻蝨相弔，大廈成而燕雀相賀，以言禍福有非類而相及者。東觀漢記曰：馬援擊尋陽山賊，上書曰：除其竹木，譬如嬰兒，頭多蟻蝨，而剃之蕩然，蚤蝨無所復依。書奏，上大悅，因出小黃門頭有蝨者皆剃之。因謂之頭蝨章，而應侯謂秦王曰：王得宛，臨陳陽夏，斷河內，臨東陽邯鄲，猶口中蝨也。王莽校尉韓威曰：以新室之威而吞胡虜，無異口中蚤蝨。曹植著論亦曰：得蚤者莫不摩之齒牙，爲害身也。三人皆世所尊貴人也。其言乃爾何故？又物皆有蝨，故淮南子曰：牛馬之氣，蒸生蟻蝨，而莊子號豕蝨爲濡需，擇疏蟄自以爲廣宮大囿，奎蹄曲隈，乳間股脚，自以爲安室利處，卒與豕俱焦。又蚍蜉甲中亦皆有蝨云。商子以小臣之害比之爲蝨，言微而不可不去也。

【螻】

螻、小蟲。穴土中。好夜出。今人謂之土狗。一名螻蛄。一名碩鼠。一名穀。亦一名螻蛄。以孟夏鳴。應陰之蟲。其出入與蚓同時。淮南子。孟夏之月。螻蟴鳴。蚯蚓出。蓋四月陰氣始動于下。故二物應之而鳴。又蟴亦隨出。至冬則又隨盡。揚雄法言。所謂狐狸螻蟴不腰臘也。與是也。螻與蟴皆穴土以居。宜於土者。故黃帝以土德王天下。天先見大螻大蟴。黃帝曰。土德勝。故其色尙黃。其行則土。然說文解螻云。若龍而黃。北方謂之地螻。則未知黃帝時所見爲何等也。此物有神異。故干寶記龐氏常祠螻蛄。王逸九思云。螻蛄兮鳴東。茅蠶兮號西。以其應陰而鳴。比小人也。有五能而不能成其伎。一飛不能過屋。二緣不能窮木。三泗不能渡谷。四穴不能覆身。五走不能絕人。按荀卿稱螻蛇無足而飛。梧鼠五技而窮。謂鼯鼠飛生者爾。說文稱鼯爲五技之鼠。則已別是鼠之一類。而崔豹古今注。又以此螻一名鼯鼠者當之。三者不同。未知孰是。今螻翅小而短。不能覆背。飛去皆不遠。又穴土而居。常露於外。以今所見。則五技殆謂此也。金中螻頂金最爲上。以六兩爲一垞。有臥螻蛄穴云。夏小正。三月穀則鳴。

【螻蛆】

蛇。物之慘毒者。螻蛇。又蛇之神者。而螻蛆能制之。故曰。螻蛇游霧而殆於卽且。張揖廣雅云。螻蛆。吳公也。莊子曰。螻蛆甘帶。司馬彪曰。帶。小蛇。螻蛆喜食其眼。春秋考異郵曰。土勝水。故螻蛆搏蛇。宋均曰。螻蛆生於土。蛇藏物。屬於坎。坎。水也。爲隱伏也。今螻蛆忽見大蛇。便緣而啖其腦。或曰。蛇虺見之而蟠伏。螻蛆當其前。以施禁法。蛇卽爲之開口。螻蛆入食其腸。復穴其旁而出。或曰。大蛇過一圍者。螻蛆以氣禁之。蛇卽